

**Talamdan sa
Mga Mensahe alang sa Full-time Training
sa Fall Term sa 2025**

**LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS**

Mensahe 1

Ikinabuhì si Cristo ug Ipadako si Cristo

Basahong Kasulatan: Fil. 1:19-21

- I. Gipadayag sa basahon sa Filipos ang pagkinabuhì sa Dios-tawo nga nagpursigir ni Cristo, nagkinabuhì ni Cristo, ug nagpadako ni Cristo—3:10; 1:19-21a; 4:12-13:**
 - A. Segun sa 1:20 ug 21, ang madagayaong sangkap aron man ikinabuhì sa mga magtutuo si Cristo.
 - B. Ang pagkinabuhì ug pagpadako nato ni Cristo mao ang adlaw-adlawng kaluwasan nato.
 - C. Kinahanglang maluwas ta adlaw-adlaw sa pagsinati nato ni Cristo aron ikinabuhì ug ipadako nato Siya pinaagi sa malangkobon-sa-tanan nga madagayaong sangkap sa Espiritu ni Jesucristo.
- II. Ang gihisgotan ug ang hunahunang nagdumala sa basahon sa Filipos mao ang pagsinati nato ni Cristo—3:7-10; 4:13:**
 - A. Ang pagsinati nato ni Cristo mao ang punoang yawe nga moabli sa basahon sa Filipos kanato.
 - B. May kalabotan sa Lawas ang pagsinati nato ni Cristo—1:19; 2:1-2; 4:2-3, 10, 14-20:
 1. Naglambigit gyog panag-ambitay sa masigka-bahin ang bisan unsang naa sa Lawas ug iya sa Lawas; nagkinahanglang nianang panag-ambitaya ang pagsinati nato ni Cristo—2:1-2; 1 Cor. 12:25.
 2. Naa gyod sa Lawas ug alang sa Lawas ang pagsinati nato ni Cristo; pinaagi ra sa pagsinati nato ni Cristo diha sa Lawas nga hingpit tang makasinati Niya—Efe. 4:16; Rom. 12:5.
- III. Dili lang basahon sa pagsinati kang Cristo ang Filipos kondili sa pagkinabuhì sab Kaniya—1:19-21a:**
 - A. Ang sukaranong hunahuna sa Biblia mao nga nagtinguha ang Tulo-usang Dios nga iumol ang Iyang Kaugalingon kanato aron himoon nato Siya nga atong kinabuhì ug ikinabuhì Siya—Efe. 3:16-17a.
 - B. Ang Cristohanong kinabuhì, kinabuhì nga nagkinabuhì ni Cristo aron maumol ug matukod ang Lawas ni Cristo—4:1-3, 12, 16; Col. 1:24; 2:19:
 1. Ang Cristohanong kinabuhì pagkinabuhì man nato ni Cristo nga ang Iyang diosnong mga kaayo napadayag diha sa tawhanong maayong kagawian Niya ingon nga bahin sa Iyang organicong Lawas—Rom. 12:5; 1 Cor. 12:14.
 2. Alang sa Lawas, magkinabuhì gyod ta sa kinabuhing si Cristo mismo, magkinabuhì ingon nga mga bahin sa Iyang Lawas aron unibersohanong mahingpit ang walay kataposang pamatigayon sa Dios—Efe. 3:8-11.
 - C. Dili kinabuhì sa maayong pamatasan, relihiyon, kultura, o bisan ngani sa moralidad ang Cristohanong kinabuhì; si Cristo ang Cristohanong kinabuhì—Col. 3:4:
 1. Ingon nga mga magtutuo ni Cristo, magkinabuhì gyod ta sa kinabuhing si Cristo gyod mismo—Juan 6:57.
 2. Ang sukdanan sa Cristohanong kinabuhì mao si Cristo, ug ang normal nga pagsinati nato ni Cristo kana mang ikinabuhì nato Siya—Efe. 4:20; Col. 2:2-3, 8; Fil. 1:21a.
 - D. Ang kinabuhì ni Pablo mao nga gikinabuhì niya si Cristo—v. 21a; Gal. 2:20:

1. Nabuhi si Cristo sulod ni Pablo ingon nga kinabuhi niya, ug dayag nga gikinabuhi ni Pablo si Cristo ingon nga pagkinabuhi Niya; hiniusa silang nagkinabuhi ingog usa ka persona nga usa ray kinabuhi ug usa ray pagkinabuhi.
 2. Kon ikinabuhi nato si Cristo, hiniusang magkinabuhi si Cristo ug kita: duha ka kinabuhi nga usa ray pagkinabuhi, duha ka kinaiya nga gisagol aron ma-usa ka kinaiya, ug duha ka espiritu nga nahimong usa ka espiritu—Juan 6:57; 1 Cor. 6:17.
- E. Ang pagkinabuhi kang Cristo nagkinahanglan nga magpabilin ta sa mga bahin sa sulod ni Cristo—Fil. 1:8:
1. Nasinati ni Pablo ang mga bahin sa sulod ni Cristo; nausa siya ni Cristo sa Iyang mga bahin sa sulod sa pagpangandoy niya sa mga balaan.
 2. Wala magkinabuhi si Pablo diha sa natural nga pagkatawo niya sa sulod; nagkinabuhi siya diha sa mga bahin sa sulod ni Cristo.
 3. Kon buot ta ta nga maanaa ni Cristo, kinahanglang maanaa ta sa mga bahin Niya sa sulod, sa malumo ug dali-ra-matandog nga mga pagbati Niya—Juan 15:4a.
 4. Ang pagkinabuhi kang Cristo pagpabilin man sa mga bahin Niya sa sulod ug didto magpahimulos Niya nga grasya—Fil. 1:7; 4:23.
- F. Ang madagayaong sangkap sa Espiritu ni Jesucristo aron man ikinabuhi ni Pablo si Cristo—1:19:
1. Ang madagayaong sangkap sa malangkobon-sa-tanan nga Espiritu naglakip sa pagkadios, pagka-tawo, pagkalansang sa krus, pagkabanhaw, pagkayab, sa diosnong mga kaayo, ug tawhanong maayong kagawian—Buh. 16:7; Rom. 8:9.
 2. Sa Filipos 1:19 naghisingot una si Pablo sa sangkap sa Lawas ayha pa siya naghisingot sa madagayaong sangkap sa Espiritu kay naa man sa Lawas ang Espiritu:
 - a. Isip bahin sa Lawas, nakaamgo si Pablo nga nagkinahanglan siya sa sangkap sa Lawas—1 Cor. 12:12, 14-22.
 - b. Dunay tin-aw nga pagbati sa sulod si Pablo nga naa siya sa Lawas, nga nagsuporta niya ang mga bahin sa Lawas, ug nga moabot niya ang madagayaong sangkap sa Espiritu pinaagi sa Lawas.
 3. Mahimong mananaog si Pablo kay nakasinati ug nakapahimulos man siya sa malangkobon-sa-tanan nga Espiritu ug sa Iyang madagayaong sangkap nga nagpuyo sa iyang sulod—Rom. 8:37.

IV. Kon ipadako nato si Cristo sa pagkinabuhi nato Kaniya, mahimo tang lig-ong mga hinungdan, mga palagianan sa sangkap, nga makapatubo sa mga balaan sa kinabuhi ug makapahimulos nila sa Ginoo—Fil. 1:20-26:

- A. Sa pagsulat ni Pablo sa mga taga-Filipos, nagkinabuhi siya sa bilanggoan ug wala magbuhat sa gawas; ang paghisingot niya sa “bunga nako sa akong pagbuhat” nagpakita nga ang buhat niya sa pagkatinuod mao ang iyang pagkinabuhi—v. 22; 4:22; Efe. 6:20.
- B. Tungod ni Pablo nakatubo sa kinabuhi ug napuno sa pagpahimulos kang Cristo ang mga iglesia; ingon niini sab gyod unta ta karon—Fil. 1:25:
 1. Kay gikinabuhi ug gipadako man ni Pablo si Cristo sa kinahingpitan gyod, makapalatay siya ni Cristo ngadto sa mga balaan ug makapangalagad ni Cristo ngadto sa tanang iglesia.
 2. Dili makinaugalingon ang paghunahuna ni Pablo nga mobiya ug makig-uban ni Cristo o magpabilin ba diha sa unod kondili alang kini sa mga balaan; bug-os gyod siyang naokupahan sa Ginoo ug sa iglesia:
 - a. Mahinungdanon gyod unta sa iglesia kon magpabilin ba ta o mobiya aron makig-uban sa Ginoo, apan nag-agad kini sa pagkinabuhi nato ni Cristo, pagpadako nato ni Cristo, pagpangalagad nato ni Cristo, ug pagpalatay nato ni Cristo gikan sa kinahiladman sa atong pagkatawo ngadto sa pagkatawo sa mga balaan—itandi sa 2:25-30.
 - b. Diha sa kinabuhi sa Lawas dinaliang gikinahanglan ang mga bahin nga molihok ingog mga palagianan sa sangkap—Zac. 4:12-14; Huk. 9:9.